

LÖG ÞRÍÞRAUTARSAMBANDS ÍSLANDS

1. gr.

Þríþrautarsamband Íslands, skammstafað ÞRÍ, er æðsti aðili um allt varðandi þríþrautar- og tvíþrautaríþróttina innan vébanda Íþróttá- og Ólympíusambands Íslands, skammstafað ÍSÍ. Aðsetur þess og varnarþing er í Reykjavík.

2. gr.

ÞRÍ er samband þríþrautarfélaga innan héraðssambanda og íþróttabandalaga, sem mynda ÍSÍ og iðka þríþraut samkvæmt reglum „INTERNATIONAL TRIATHLON UNION“. Skilyrt er að lög félaganna samrýmist lögum ÞRÍ og ÍSÍ.

3. gr.

Tilgangur ÞRÍ felst í inntaki 1. greinar þessara laga og beinist því að eftirfarandi aðalatriðum:

- Að vinna að framgangi þríþrautar og tvíþrautaríþróttarinnar og útbreiðslu hennar á Íslandi.
- Að setja íþróttinni viðeigandi reglur sbr. 2. gr.
- Að samræma og stuðla að þríþrautarkeppnum um land allt.
- Að annast erlend samskipti.

4. gr.

Málefnum ÞRÍ stjórna:

- stjórn ÞRÍ
- þríþrautarþing

5. gr.

Þríþrautarþing fer með æðsta vald í málefnum ÞRÍ og skal haldið árlega á tímabilinu 15. febrúar til 15. apríl. Þingið sitja tilnefndir fulltrúar þeirra þríþrautarfélaga sem mynda sambandið. Hvert félag hefur tvo fulltrúa á þinginu. Til þingsins er boðað með rafrænum hætti með minnst mánaðar fyrirvara. Stjórn ÞRÍ skal kynna félögum ÞRÍ dagskrá þingsins og önnur málefni sem hún hyggst leggja fyrir það, 14 dögum fyrir þing. Málefni, sem þríþrautarfélög óska að tekin verði til umræðu á þinginu, skulu þau kynna stjórn ÞRÍ með a.m.k. 20 daga fyrirvara. Þingið getur þó tekið fyrir mál borin upp með styttri fyrirvara, að fengnu samþykki 2/3 hluta þingfulltrúa. Þríþrautarþingið er löglegt, ef löglega hefur verið til þess boðað.

6. gr.

Allir þingfulltrúar skulu vera tilgreindir á kjörbréfi frá viðkomandi þríþrautarfélagi. Hver þingfulltrúi hefur eitt atkvæði, en getur auk þess farið með eitt annað atkvæði, samkvæmt skriflegu umboði viðkomandi þríþrautarfélags. Við afgreiðslu almennra mála og í kosningum ræður einfaldur meirihluti greiddra atkvæða. Auk þingfulltrúa eiga rétt á þingsetu og hafa þar málfrelsi og tillögurétt:

- stjórn og varastjórn ÞRÍ
- skoðunarmenn reikninga ÞRÍ
- fulltrúar héraðssambanda og íþróttabandalaga sem hafa þríþrautarfélög innan sinna vébanda.

Þess utan getur stjórn ÞRÍ boðið aðilum þingsetu ef hún telur ástæðu til.

7. gr.

Dagskrá þríbrautarþings skal vera:

- Þingsetning.
- Kosning þriggja manna í kjörbréfanefnd. Nefndin skal yfir fara kjörbréf og gera grein fyrir störfum sínum áður en 7. dagskrárliður hefst.
- Kosning þingforseta.
- Kosning þingritara.
- Fráfarandi stjórn gefur skýrslu sína.
- Gjaldkeri leggur fram endurskoðaða reikninga ÞRÍ.
- Umræður og atkvæðagreiðsla um skýrslu stjórnar og reikninga sambandsins.
- Kosning kjörnefndar og skipað í starfsnefndir þingsins.
- Stjórnin leggur fram fjárhagsáætlun fyrir næsta starfstímabil, ásamt tillögum um félagagjöld og keppnisgjöld.
- Lagðar fram lagabreytingar sem stjórninni hafa borist með löglegum fyrirvara.
- Teknar til umræðu aðrar tillögur og önnur mál sem borist hafa til stjórnarinnar.
- Nefndaálit og tillögur.
- Umræður og atkvæðagreiðsla um lagabreytingar og framkomin mál.
- Önnur mál.
- Álit kjörnefndar.
- Kosning stjórnar sbr. 9. gr.
- Kosning tveggja skoðunarmanna reikninga.
- Kosning fulltrúa og varafulltrúa ÞRÍ á Íþróttþing ÍSÍ árið sem Íþróttþing fer fram, skv. lögum ÍSÍ.
- Þingslit.

8. gr.

Aukaþing má halda er nauðsyn krefur að mati stjórnar eða helmingur þríbrautarfélaga sem mynda ÞRÍ óska þess. Allur boðunar- og tilkynningarfrestur til aukaðings má vera helmingi styttri en til reglulegs þings. Fulltrúar á aukaðingi eru þeir sömu og voru á næsta reglulega þingi á undan og gilda sömu kjörbréf. Þó má kjósa að nýju í stað fulltrúa sem er látinn, veikur eða hefur forfallast á annan hátt. Á aukaðingi má ekki gera lagabreytingar og ekki kjósa stjórn nema bráðabirgðastjórn, ef meirihluti kjörinnar aðalstjórnar hefur sagt af sér eða hætt störfum af öðrum orsökum, eða stjórnin að eigin dómi orðið óstarfhæf. Að öðru leyti gilda um það sömu lagaákvæði og um reglulegt þríbrautarþing.

9. gr.

Stjórn ÞRÍ skal skipuð fimm mönnum. Kjósa skal bundinni kosningu, fyrst forseta til tveggja ára í senn, annað hvert ár. Einnig tvo aðra stjórnarmenn til tveggja ára. Kjósa skal þrjá menn í varastjórn til eins árs. Stjórnin skiptir sjálf með sér verkum.

10. gr.

Skyldur stjórnarinnar eru:

- að hafa á hendi þær framkvæmdir, sem undir sambandið heyra,
- að sjá um að farið sé eftir viðurkenndum þríbrautarreglum, lögum sambandsins og fyrirmælum þríbrautarþings og samþykktum formannafundar,
- að setja nauðsynlegar reglur- og reglugerðir um þríbrautaríþróttina,
- að ákveða stund og stað fyrir þríbrautarþing,
- að tilnefna fulltrúa og varafulltrúa á ársþing ÍSÍ,
- að stuðla að og líta eftir opnum mótum,
- að skipa í starfsnefndir strax að loknu þríbrautarþingi og setja nefndunum erindisbréf,
- að taka ákvarðanir um veitingu heiðursmerkja og heiðurstitla ÞRÍ.

11. gr.

Stjórn ÞRÍ setur nauðsynlegar reglugerðir um þau málefni sem snúa að allri framkvæmd laga þessara. Nær það til allra breytinga á gildandi reglugerðum sem og setningu nýrra reglugerða. Nýjar reglugerðir og breytingar á þeim skulu kynntar þríbrautarfélögum með rafrænum hætti og taka þær gildi samkvæmt nánari ákvörðun stjórnar ÞRÍ. Ekki þarf að birta þær með sérstökum hætti svo þær öðlist gildi heldur er nægjanlegt að þær séu kynntar með rafrænum hætti og á heimasíðu ÞRÍ, www.triathlon.is. Óski þríbrautarfélag eftir setningu nýrra reglugerða eða breytinga á gildandi reglugerðum skal slíkum óskum beint til stjórnar ÞRÍ.

12. gr.

Stjórn ÞRÍ getur falið stjórnnum þríbrautarfélaga og félögum innan ÞRÍ að vera fulltrúar sambandsins í viðkomandi heimabyggð. Stjórn ÞRÍ er heimilt að ráða launað starfsfólk.

13. gr.

Aðildarfélög greiða félagagjald til ÞRÍ. Félagagjöld eru ákveðin af þríbrautarþingi fyrir næsta ár. Stjórn ÞRÍ er heimilt að meina þeim aðildarfélögum sem skulda félagagjald þátttöku í mótum á vegum ÞRÍ og jafnframt að meina meðlimum viðkomandi aðildarfélags sem skuldar félagagjöld þátttöku í opnum mótum. Tilkynna skal slíka ákvörðun viðkomandi þríbrautarfélagi með a.m.k. viku fyrirvara.

14. gr.

Félagatal aðildarfélaga er miðað við 1. janúar skv. skráningu í skráningarkerfi ÍSÍ og UMFÍ.

15. gr.

Reikningsár ÞRÍ er almanaksárið. Reikningar sambandsins skulu liggja fyrir undirritaðir á skrifstofu sambandsins viku fyrir þríbrautarþing.

16. gr.

Þríbrautarfélögin halda Íslandsmeistaramót í umboði ÞRÍ. ÞRÍ ákveður dagsetningar Íslandsmeistaramóta og geta þríbrautarfélögin sótt um að halda slík mót eftir nánari tilmælum frá ÞRÍ.

17. gr.

Hlutgengur til þátttöku í mótum á vegum ÞRÍ er hver sá aðili sem félagsbundinn er í félagi innan ÞRÍ og uppfyllir að öðru leyti móta- og keppendareglur ÍSÍ á hverjum tíma.

18. gr.

Öll félagaskipti skulu fara fram samkvæmt reglugerð sem stjórn ÞRÍ setur þar að lútandi.

19. gr.

Öll ágreiningsmál er upp kunna að koma innan íþróttarinnar skal farið með samkvæmt kafla 4, í lögum ÍSÍ um dómstóla ÍSÍ, eftir því sem við á. Dómstólar ÍSÍ fara með mál sem upp kunna að koma innan ÞRÍ. Mál vegna meintrar lyfjamisnotkunar íþróttamanna skal farið með skv. gildandi lögum og reglugerðum ÍSÍ um lyfjaeftirlit. Lyfjaeftirlit er í höndum Lyfjanefndar ÍSÍ.

20. gr.

Mótadagskrá skal unnin og birt eftir nánari fyrirmælum í reglugerð sem stjórn ÞRÍ setur þar að lútandi.

21. gr.

Príbrautarsamband Íslands verður ekki lagt niður nema 4/5 þeirra fulltrúa sem sæti eiga á príbrautarþingi samkvæmt þessum lögum samþykki það á tveimur þingum í röð og ekki líði meira en eitt ár á milli þinga. Með slíkri samþykkt á síðara þinginu er störfum þess þings lokið, en samtímis skal það ráðstafa eignum sambandsins.

22. gr.

Lögum þessum má breyta á reglulegu príbrautarþingi með 2/3 atkvæða enda hafi tillögur þar um borist stjórn ÞRÍ ekki síðar en 2 vikum fyrir príbrautarþing. Lögin öðlast gildi þegar framkvæmdastjórn ÍSÍ hefur staðfest þau.

23. gr.

Þannig samþykkt með breytingum á ársþingi ÞRÍ 29. febrúar 2020 í Reykjavík. Reglugerðir ÞRÍ sem í gildi eru falla ekki úr gildi fyrr en stjórn ÞRÍ hefur samþykkt nýja reglugerð eða ákveðið að reglugerð falli úr gildi.